

迦陵詞全集

迎陵詞全集卷十八

宜興陳維崧其年著

武進周清源雅楫

維岳緯雲  
弟  
宗石子萬  
泰閱

錢塘高士奇澹人

選

華亭王鴻緒儼齋

男履端

崑山葉 淳淵發

姪賜薛  
校

念奴嬌

宋景炎席上贈柘坡李蓼墅

中年以後早傷于哀樂頓成頭白適遇章華爲劇飲倏遇  
中原詞伯劍氣縱橫酒腸跳盪老筆蒼無敵霜寒月苦爲  
君細吐胃臆今夜玳瑁斑斕紅絃郭索撾鼓催行炙難  
得他鄉歡笑極況有吳兒似雪君欲歸邪住爲佳耳底事

搖鞭急回聽筵上歌珠一串堪拾

用前韻酬柘城李子金

雪飛千里步睢陽市上忽逢李白笑顧羣公摩腹語空洞  
容卿什伯嚼蕊吹花馬稍名理豪蕩真難敵轟厯拉雜酒  
酣披瀝衷臆聽說湓浦鮫人鞋山龍女嗜古如牛炙曾  
挾奇文過灌口浪打片颿堆雪豪奪何傷書淫不恠那畏  
波濤急擲書袍底百靈任爾爭拾

用前韻酬鹿邑張子武

昇仙臺上說當年風景縈青繚白曠望層湖窗撲水鴈子  
鳬雛千伯物換星移海枯石爛劫手棋逢敵至今廢館野  
花叢草沾臆久矣仙不如頑哀多于樂且把鵝笙炙漢  
武秦皇今縱在也飽炎風朔雪飲酒千場讀書萬卷此外

非吾急。醉人須恕。懷中憤。墮難拾。

老子鹿邑人。邑有昇仙臺。

用前韻酬柘城王叔平

丈人安坐看三更。簾外明星初白。壯不如人。今已老。臣是江東亭伯。萬事都非。一年將盡。才命交相敵。悲歌何益。且須美酒澆臆。幸遇梁宋諸公。焚香拂几。曲室紅爐。炙千載。鄒枚今尚在。暫緩顛毛。成雪。袞袞祥鸞。栖栖窮鳥。來日翻飛急。長鑱短柄。空山橡栗。能拾。

睢州田子益。唐斯林孫。肅史徐次微。袁信庵。褚宸宣。吳子純侯。長六諸子。邸中沽酒飲我。別來數日。荒村風雪有懷。昨游用前韻寄之。

三間老屋。糝六花。千里籬門都白。伏枕窮村。鑄折脚。誰是巨卿元伯。憶昨諸公惠而好我。酒把奇寒敵。自君之去。離

思萬種真臆 當日說劍談天吹簫刻燭駁蹀憑君炙幾  
日分攜人總老况值打頭風雪才退貧居心灰老至只有  
朋情急來春雖渙汀蘭期爾同拾

梁紫有和予百字令詞因用前韻酬之送其暫返  
錦池兼促卽來梁苑

朝來急霰似千層浴鐵一軍都白何事嚴裝偏早發鞭指  
荒臺關伯萬籟悲號六花狂舞歸騎疑衝敵離杯當盡人  
生有限肝膈 感爾學富侯鯖才同禁臠偏嗜秦火炙也  
擬寒天牽老伴消過殘冬臘雪上冢龐公移居杜老別遠  
來須急犇車沙穩好將家具收拾

送錢礎日歸錫山同雲臣和曹顧庵韻

憐吾與汝只年將五十尙然棲逸槩上功名難辦取且自

弄他文筆借面弔喪送人作郡歲歲饑驅出傍人大笑稍  
康身嬾多蟲 回憶舊日酒徒凋零盡愁殺松楸密恰  
似枝頭花欲謝祇剩十分之一歸聽鶯聲好携芒屨野服  
須遮膝九龍山下仙糧何限芝朮

冬夜聽梧軒題王右丞初冬欲雪圖

填詞社  
第三題

炎天看此便陰陰也覺滿林飛雪何況今宵風正吼絕塞  
膠弓都折冰裂龍堂凌鋪貝闕萬里關河結長空黯澹乾  
坤景色真別 安得盡敞瓊樓早催滕六一夜看親切玉  
戲定知應不遠料也無過來月水墨纔皴同雲暗釀人意  
先清絕只愁僵臥怕他近恁時節

留別錢礎日即用其見贈原韻

昔年作客記美人劍士逢場都有燭淚堆槃簾舞雪薇帳

輕紅垂斗劇孟家邊莫愁村外恰對銅街口爲歡并日底  
須寒食重九 今日騎省飄零蘭成憔悴辜負箏琶手拍  
徧闌干人事換贏得一場搔首歸去雙溪重尋三徑麋鹿  
真吾友愁來易醉慎毋多與之酒

春日讀京少梧月新詞寄題一闕并呈尊甫慎齋  
給諫

斜風細雨筭心情一往柔如春水梧月新詞剛入手脫帽  
忽然狂喜鸚鵡雕籠噪磯古廟字字俱精綺時讀京少咏鸚鵡過孫夫人廟  
高才妙作定摩秦柳牆壘 寄語尊甫先生陳生別  
後憔悴吾衰矣舊日酒徒零落盡相隔雲泥朝市變爨孤  
城夜郎遠宦歸况今何似傳柑家謾道余問訊如此

和于皇梅花片茶詞卽次原韻

梅精近日綠茶星

于皇自署茶村又曰茶星

合併相呼也得拾取粉英

煎雪乳光映翠磁都白便趁春陰亟修水遞消遣天如墨

故山茗事正應近恁時節常笑龍鳳高名旗槍僉父不

稱瓊瑤液只借隴頭千百本隱隱吹歸橫笛點染天香菱

除俗艷小泛真珠色花情水味融成一片無迹

### 葵花

東君罷繡剩猩絨一束亂拋墻角迸出戎葵娛永晝遶徧

閒庭綽約蝶凝檀心蜂粘紫靨爛比朱霞駁翠簾如水襯

他榴火燃灼別有小小錢般離離錦樣曾向川江濯

錦葵也誰道房櫳春去久依舊紅芳似昨苦被陰濃遮他紅

日愁殺傾陽舊金烏早醒海天鷄正啼喔

### 戲題終葵畫

鍾離一名終葵



誰將醉墨潑長箋。寫作十分奇詭。鵝鼻鴈肩形狀。寢風刮  
鬚毛攢。空驛啼杉。頽崖嘯葛。目欲營天地。三閭呵壁荒  
唐情態如是。休只破宅。蹢躅荒江。狼狽幽省。尋魑魅。鼎  
鼎試看朝市上。何限揶揄之子。臥者爲尸。坐而成冢。擇肉  
須來此。笑渠笨伯。翻愁鬼以公戲。

讀屈翁山詩有作

歸

屈名大均番禺人初爲廬山僧後徧歷九塞登華山挾秦女以

靈均苗裔美十年學道匡廬山下忽聽簾泉。飀冷瀑豪氣  
軼於生馬。亟跳三邊橫穿九塞。開口談王霸。軍中毬獵醉  
從諸將游射。提罷七首入秦。不禁忍俊縹緲。思登華白  
帝祠邊。三尺雪正值玉姜。毛女名思嫁笑把嶽蓮。亂拋博箭  
調弄如花者。歸而偕隱。白羊瑤島同跨。

夏日看荷花作

後湖長蕩見烟盤霧鬢紅粧無數葉暗荷深三萬頃一片  
嫩涼成雨映水逾鮮倚風欲笑月又明南浦隔江誰采有  
人一樣心苦會和太士臺前文人舌本紅出花如許一  
自汚泥淪謫久恨瑤池懸圃漢苑飄香吳宮墮粉幾遍  
聞簫鼓何時華頂與君攜手歸去

月夜看桂花

淒清庭院乍金飈壓下一天黃雪恰值爛銀盤叉上冷浸  
水晶宮闕陣陣天香蕭蕭夜色花影扶疎絕誰家牆外洞  
簫不住嗚咽記得玉兔金蟾團圓百畝碧落分枝葉自  
遇吳剛修桂斧浪被人間攀折萬里空明一尊漱灑肯負  
當頭月姮娥莫笑老顛狂興如鶻

甲寅九日追感京洛舊游悵然成咏

無枝烏鵲記前年此日翻飛京闕曾預群公奠酒譙玉佩  
珠袍齊列白月千門青天萬帳笳蓋真軒豁彭城南郡坐  
中多少人物 今夜故國荒原長江怒浪悲嘯魚龍發生  
怕西風吹破帽我有鬢絲新雪何處登高無人送酒俗煞  
重陽節縱然高望戰旗一片明滅

臨津懷古

笛聲緊處向霜空削下一天秋氣我買騎齡剛六尺紅樹  
之中斜繫聞說當年從來此處劇號繁華市如今只有古  
祠閒映流水 歷數漢苑唐陵滄桑轉瞬大抵皆如此續  
嶺金墉都換了何況彈丸黑子賽鼓前村巫歌極浦斷碣  
封羊豕滿陂紅葉老鴉銜上晴堊

西沈舟行遇颶風同南畊賦

天吳作劇鼓洪濤  
瀕洞雷轟雪沸怒  
叢淫驟掀宇宙頃  
刻半湖純晦白浪  
懸崖黑雲壓櫓人  
命同於蠟太湖倒  
拔喧  
厖那許龍睡我見  
天水奔騰帆檣飛  
動騎上霜蓬背醉  
作擘窠書斷岸字  
蹟淋漓怪偉亂石  
將崩孤城欲沒老  
樹森奇鬼一群野  
鴨帶啼觸響叢葦

途經溧水是宋周美成作令地慨焉賦此

詞推北宋有周郎香弱集名片玉未向大晟填樂府此地

先留芳躅隔浦蓮嬌滿庭芳麗唱盡相思曲

隔浦蓮滿庭芳詞俱美成

在溧水署中作

小亭姑射當初何限花竹

美成令溧水時署中構一亭名曰姑射

彈指六百餘年詞人重過此閒愁根觸一自汴京時世換

絕調幾人能續冷店騎驢野航聽鴈客睡何曾熟蔣山在

望可憐依舊凝綠

炙硯

當年雪夜記貪歌嗜酒衝泥拖屨三十六簧寒不起醉把  
紅鴉笙炙脫帽顛狂解衣盤礴碎裂黃皮褶詩書何用任  
他堆老牆壁今日冷淡生涯忍寒呵凍苦伴端溪石熾  
盡朱門紅獸炭翻惹蟾蜍淚滴銅雀臺荒中書君禿况是  
磨人墨直須焚却吾今老情無匹

用君苗  
然硯事

送韓聞西之吳門

虎丘鶴澗問狂奴綦跡綠苔偏熟前月中秋停片舸特地  
來聽絲竹爛醉高歌墊巾側帽飽看品輪沐平生疎放幾  
曾甘受羈束今日帳後揖參車中新婦舉止何羞縮咫尺  
青溪難寄興何况雲山斷續君過橫塘船窗凝望定見

寒崖綠爲余傳語比來離恨千斛

將發金陵前一夕大雪挑燈不寐悶填此詞擬歸  
示蘧庵楨伯雲臣竹逸諸先生暨大士表兄南

畊表弟

瓊窩粉窖儘六花一夜天公兒戲鑪火微紅官燭冷那不  
寸心如碎北渚田荒西疇租少枉說豐年瑞停杯大笑伯  
符志業難遂 遙憶故苑風光釣徒詞客多少顛狂意好  
箇雙溪真畫本小閣於中位置萬玉編簑千銀綴網漸理  
探梅事曲阿道上定憐風雪歸騎

春日玉峯葉九來招飲半繭園時梅花正開酒間

話舊有感

九來向與吾邑某氏歌姬有目成之約今此姬已屬他人故及之

賣餠天氣恰春光嬌到九分時節城下小園圍綠水無數

書廊周折蝶翅愁紅蜂鬚簸煖滿院繁英纈君如不醉花  
時枉詔豪傑 記否二十年前襄王筵上衆裡香曾竊金  
縷衫邊桃葉淚多少細憐輕閣柳絮簾櫳花枝年紀事去  
和誰說凭闌一夢帽簷慘徧時雪

范龍仙齋頭喜遇婁東許九日賦贈

六千三萬筭老顛此後終當樂死十載詩名成底用何限  
東西衛尉一語驚魂杜陵曾說王將奴才子問他奴價而  
今果否如婢 君已髡點吳鹽憐余種種亦復肩隨矣浮  
世幾場開口笑盜跖也知如是盜跖有云開口而笑者月不幾日燕子年  
光蟲娘庭院且住爲佳耳楊花如夢滿城日暮飛起

祖闔與玉峯徐季若話舊廻用前韻

立談數語似項王帳後楚歌齊起又似隣船商婦泣一夜

琵琶聒耳紅粉辭鄉青袍失路從古原如是子規頻喚明  
朝春又歸矣 拚取僧院聽鐘歌樓持鉢老作吹簫婢萬  
事灰頽吾不恨只負柔奴車子滿幅花箋半床珊瑚怕殺  
藍田尉單衾空館鴨爐紅瘦香死

讀孚若長歌卽席奉贈仍用孚若原韻

霆轟電掣筭君才真似怒濤千斛百感淋漓風驟起劈裂  
滿堂樺燭公醒而狂人憎欲殺抵鵲何須玉春衫老淚蛟  
珠辦辦堪掬 不記三十年前灌夫使氣嗷嗷驚隣屋彈  
指蓬萊今又淺短髮可能長綠詩酒前緣鶯花小劫世事  
彈棋局關山笛破欲吹吹不成曲

徐孚若招同諸子過飲余以怯酒先歸賦此言謝  
華堂鯨吸看羣公轟飲投瓊博鑿髮髯昆陽軍馬沸屋瓦



一時都壞。畫鼓千搥。銀罍百罰。促數籌如蠶。人間堪唾。紛  
紛會擲天外。我已問走窮賓。關通逋客。逸出糟丘界。愁  
極逢歡。偏易感。莫笑邇來胡憊。遙憶杯前。此時月下滿座。  
僂僂態。朝來早過一簾酒氣。還在。

丁巳仲秋廣陵寓中病瘡不獲爲紅橋平山之游  
悵然有作奉東觀察金長真先生并示豹人穆  
倩孝威定九鶴問仙裳。蛟門叔定女受仔圖龍  
眉爰琴扶晨無言諸君

最無聊賴。又西風吹到隋皇宮闕。明月橋邊。烟景換依舊。  
玉簫淒咽。綠水全昏黃花早瘦。往事憑誰說。江山如畫。恰  
逢愁臥時節。安得桓石虔來爲驅瘡鬼。放我眉梢結更  
把杜陵奇險句。高咏子璋熱血。僕病何妨人言可憎。笑

汝椰掄物曼聲狂嘯碧雲片片都裂呼桓石皮來可以斷  
瑋簡儀血模糊手提擗是崔大夫二語亦可已瘡

丁巳中秋玉峯徐季重葉九來招飲三友園同集

爲朱旣庭劉震修潘次畊徐立齋閣學顧恪如  
朱南金卽席分賦

擁天峭壁被風吹月浪洗來逾綠嵌堅蒼崖鱗鬣動萬隊  
熊蹲獅伏碧海青天年年今夜長見金波浴姮娥耐冷一  
輪細碾圓玉况復地有名園人逢上客消盡愁千斛瘦  
石小橋苔迳悄掩映疎花秀竹更上山巖龍川墓上爲我  
澆醢醢醉歸夜靜滿身零亂金粟山上有粟劉過墓

題劉震修小像卽次原韻

平生謾罵笑紛紛眼底汝曹何物醉後擘篋盤硬句沈徧

倡樓粉壁柳絮繁鞭花枝低帽狂煞何曾歇側身攬翅角  
鴈颯爽毛骨誰料同學少年半封侯去剩我漁舸隻擊  
碎唾壺顛欲死往事明明如月君賦離鸞僕歌老驥一樣  
關情切中秋近矣人間萬頃晴雪

賦得朝雲墳在落花中爲黃天濤悼亡姬陸羽嬉

作南陽鄧孝威有絕句云休徵疎簾還遠望朝雲墳在落花中天濤有一扇扇上并圖此景

南陽詞客慣多愁善感最能吟寫近爲黃郎題恨句淒咽  
如聞夜話說道江鄉每年寒食細雨啼山鷓落紅萬斛朝  
雲墳在其下更被水墨輕描丹青澹抹倍把愁腸惹短  
短墓門花似血點入倪迂小畫蝴蝶成團靡蕪滿路隔殺  
前村社倚樓人在爲他淚點銀帽

壽蓮庵先生七十

乙卯元夕後九日

元宵過了喜華筵重炤銀花火樹南極老人星獻瑞恰接  
春燈三五族壓溫那才雄管樂伯仲齊伊呂昇平盛事堯  
年老鶴能語今日鬢髮蕭蕭開山歷歷也長安何處三  
見蓬萊清淺甚一笑人間今古鐵笛仙翁錦袍學士暫瀾  
漁樵侶隔江長嘯月明何限更鼓

送吳豈行歸宣城兼寄沈方鄴梅耦長

豈行工詩  
善篆刻季

野先生  
嗣君也

淋漓頓挫借杜陵長句幻成波磔兀稟蒼涼盤瘦硬鬱若  
烟驅浪舶巉削虛無瑀鑄形狀萬壑蒼皮坼李潮吾衍古  
惟二子堪匹歎息世態娒嬰人情洶澗奇字誰曾識只  
有敬亭山色好鎮日相看亦得歸臥烟霞間逢梅沈定問  
余踪跡豪情冶興爲言都不如昔

小盞春蘭盛開與水仙相掩映瓶梅暗香復爾清  
列雨窗無事婆娑其間詞以咏之

蘭滋梅粉被宵來厭浥嫣然新沐曉色幽幽涼逼視冷翠  
遙連苔竹更喜仙葩纔離水國也把幽芬撲嬌痕媚靨一  
時雨後開足浪說天上瓊花月中桂子多少閒榮辱只  
有疎枝和野卉領殼一生閑福散髮林端支頤澗側日取  
南華錄素蕊凝雪小廊又報茶熟

緯雲弟八載京華昨始旋里尙憇西村未遑握手  
先寄此詞

湖帆浦笛是吾家遠閣闌干間物下嵌老梅鋪鐵蘚點綴  
池塘峭壁入載難歸百端橫集往事成鴻雪長安輦上知  
他若箇豪傑喜汝徑辦歸裝買揚州小婦趁春潮發夜

火巷村宵夢穩笑問燭因誰滅我在街南何時相對訴盈  
顛華髮更闌吟罷明明此意如月

憶半雪懷緯雲南鄉子詞有云燕關三度梅花不  
共看之句今梅花開候緯雲南返而半雪之墓  
已宿草矣詞以志痛仍用前韻

嗟乎余仲歎詩顛酒渴化爲異物記把一樽長憶弟白晝  
吟聲撼壁每到梅開便啼鵲血紅了千林雪金臺可怪是  
他羈絆英傑今日罨畫溪橋天涯人到也梅花重發只  
是題詩人去久字蹟也應磨滅故國茱萸殘年棣萼恨事  
多於髮水明樓上牕楞界上纖月

將之梁園舟中有感和大兄前韻 宗石

井州漸近想草堂無恙初冬景物罨畫溪雲曾飽玩怕

玩烏衣巷壁兩月家鄉十年客路多少風和雪故園若  
輩誰爲捫虱之傑 可惜擊楫中流英雄人去蕭瑟西  
風發我倚帆檣無箇事夜看疎星明滅滄海何心桑田  
增感此理真如髮行藏隨遇試看天上明月

南耕堂前綠萼梅花下作用東坡赤壁詞韻

空庭何有笑幽花以外都無長物一樹綠毛么鳳挂零亂  
明窗粉壁斜倚闌干微拋酒盞笑玩林間雪春寒猶涸凍  
禽驚起傑傑 可惜花似當年看花人漸老悲歌空發料  
得前村花更好和了水雲明滅欲折繁英倩他壓帽絕稱  
蕭蕭髮角聲吹落堦前堆滿晴月

春日同緯雲南畊徧歷南嶽諸園林仍用赤壁詞

韻

春山勸我只今朝須盡此杯中物莫把閒愁千萬斛  
酒家牆壁石畔泉流林間風起幾數枝香雪一樽  
醉取千秋射虎人傑  
况值北鴈初歸巖花隨飲與共參差發何  
限向來哀樂事一笑浮漚生滅日落帆輕蒨  
欹帽重賸翠  
侵毛髮瀕行戀戀空山定好明月

玉峯閣若韓盛珍示王成博丘近夫諸子公讌余  
輩於南芝堂席上同青際竹蓮緯雲紀事用赤  
壁詞韻

玉峯高讌看簪裾滿座一時人物况值杯中  
山色好吸取晴崖翠壁金馬新知銅龍舊識  
只我頭成雪烏絲題徧群  
公漫許詞傑  
坐有舉舉師師褰簾纔一笑嬌歌先發若  
使主人知此意應遺蘭堂燭滅住固爲佳居  
殊不易種種



余之髮明朝歸去綠簑長釣溪月

由亳州至歸德途經木蘭故里有祠在焉

苦垣蘇逕見靈旗玉貌娟然幽處傳是木蘭遺廟在多小  
神絃囊鼓繡袷蛾眉紅粧猿臂颯爽真軒舉雌雄撲朔世  
間何限兒女 今日滿目關山極天士馬殺氣連營苦安  
得月明飛錦繖壓倒蕭娘呂姥娘子軍空女郎祠圯倪仰  
悲今古空墻壞壁畫衣剝落如雨

贈雪笠上人

上人係石城僧  
時寓居睢陽

小長千里記巖花嶺鳥六朝僧窟一自秣陵凋敝後難穩  
故山瓶拂感踏天龍拜彈獅象人境俱雙奪衲衣手綻曾  
經幾載飛雪 可惜梁孝園荒侯嬴館廢往蹟多磨滅誰  
耐枯禪耽滄漠隱隱眉間俠骨古寺城根破離湖面俄錯

殘碑碣秋行至矣茅堂相對疎豁

周弁山携具八關齋同亦人恭士子萬弟諸君快  
飲風雨颯至炎歊盡解詞以紀事

狂飈挾雨恰冰車鐵騎一時碎擊倒拔南湖高十丈無數  
巨魚人立飽瞰哀梨橫驅陣馬徙倚清涼國臨風一笑鰓  
毛鬣捲如礫 記否烟雨樓頭舊游星散多少南和北二  
十餘年吾竟老贏得暮雲堆碧只有周郎仍然年少同作  
天涯客無多酌我爲君起弄長笛

開元寺納涼聽客話闖賊破城舊事

夜涼水寺有白頭閒話傍蝸牛屋說起黃巾初入洛正值  
中原百六萬馬俱瘖孤城欲沒殺氣騰原陸鬼謀人社啾  
啾市上歌哭 語久嗚咽難勝向戍樓借取四條絃續不

兒女牆純鐵色恨血至今猶綠落日黃河老鴉白項啄盡  
賢豪肉休論往事碧天今夜新沐

游京口竹林寺

長江之上看枝峯蔓壑盡饒霸氣獅子寄奴生長處一片  
雄山莽水怪石崩雲亂岡淋雨下有龍鼉睡層層都挾飛  
而食肉之勢 只有鐵甕城南群山羸秀畫出吳天翠絕  
似小喬初嫁與顧曲周郎佳婿竹院盤陀松寮峭舊最愛  
林臯寺徘徊難去夕陽烟磬沉未

毘陵道中有懷四弟五弟卽用四弟感舊原韻

麥仁店後記斜陽分手柔腸欲絕從此南飛餘一鴈蕭蕭  
長征不歇絮盡蘆汀拍殘楓岸風景增悲切昨過江上赭  
圻一片成血 今日黃酒蘭陵銅官列岫向水窗明滅惡

然人淡如菊 君自生長錢塘移家喜看卷書紋鋪設  
在東風鶯舌裡聽慣烏絲一曲詞客生平男兒意氣何必  
會相熟掀髯長嘯爲君盡此醺醺

雨窗懷松之南水

絲絲點點聽簷前不住隔紗窗滴一片濃雲遮遠岫那辨  
銅官離墨寶鼎香焦壽廊花瘦阮又無心摘茶烟颺起細  
煎花乳翻白 幾日梅子應黃先將些雨送箇愁消息我  
在家鄉愁欲死何況異鄉羈客簞帽停舟衲衣持鉢買酒  
還無直知他何處水邊拖盡吟屐

雪灘釣叟爲松陵顧茂倫賦

翁家何在在三高祠下景尤奇絕一派漁莊連盤舍百里  
水雲明滅最怕閑鷗生憎野鴨占了涼波濶釣竿斜漾珊

瑚樹上輕拂 昨夜凍合江天綠  
綿舞絮冷把龍宮掣  
殺渭濱垂白叟  
悞了蘋風柳月  
菰米家鄉清虛世界萬事  
何須說夜寒吹火推蓬起掃殘雪

送徐松之還松陵兼訊弘人九臨聞瑋電發諸子

松之亦  
各嶽

生平慕蘭笑人間竟有兩相如者解唱春城寒食句却是  
此韓翃也廿以前前記曾與汝爛醉臯橋下我髯君黑路  
旁紅粉輕罵 今日髯已成絲黔還似昔重會荆南榭篋  
裡雲山詩卷在只被雨淋風打掀笛旗亭聽鐘禪院總是  
淒涼話垂虹橋畔飄零多少同社

淮陰閫再彭以破環詞索和爲綴此章

淮王城下有扶疎叢桂香分躋窟携得團圓天上影琢就

鏡奩中物立本清高香闥對綰紅苴同心結紫金跳脫讓  
他光鑒毫髮詎料鳳去鸞孤瓊枝一樹忽被罡風裂柳  
絮簾櫳無限好堆作安仁髣髴雪書篋閒搜香來失却一串  
玲瓏月半規破鏡筭仍飛上瑤闕

客有善絲竹者以箋索詞漫爲賦此

旗亭舊事記曾經見汝寶釵樓側瓊樹兩行誰最少第一  
屏間白晳翠消鸞鞦紅香桃綬絕藝千金直襄王筵上纏  
頭衆裡爭擲今日白髮何戡青衫司馬仍會秋娘宅能  
得幾迴渾脫舞清淺蓬萊非昔紅荳村莊菊花天氣淪落  
無人識棖棖邏迤不堪聽汝重摘

聞鴈

金風凜凜將冷鴈糝下半年煩惱拚逐征南諸將帥飛透

黃榆白草萬里邊愁一行兵氣辛苦憑誰道  
過雲裂石數聲橫度林表我且緩把一樽水  
明樓畔側聽心如擣響帶秋砧偏覺慘更犯  
幾般曲調南浦烟深後湖陰重月挂關門小  
不如北去蘇卿雪窖將老

長安元夕和家山農倡和原韻

尋常隔歲預商量賞玩來年元夕燕未銜將  
泥便軟糝徧蓮鈎綦跡滿院燒紅九衢漾碧  
萬斛幽輝濕東風幾陣暗吹此事成昔今夜  
湫漚深杯玲瓏低唱難把愁兵敵悞了玉梅  
花底約只做鳳城羈客歸路三千春宵十五  
誰遞他消息舊家何處月華人面同白

贈吳門周履坦

時以丹青供奉內庭

盤龍後代擅虎頭絕藝風流淹雅一旦聲名動人主不數

當年曹霸架上奇鷹宮前稚鶚一一遭烘寫布衣親見鳳樓一片鴛瓦可有褒鄂弓刀金張袍綬要上凌烟畫月給俸錢愁不飽只夢闔閭城下滿眼京華錦衣玉貌總是悠悠者青燐燈火飄零共作情話

已未長安中秋

時值京都地震是夜微雲掩月

西風帝苑正停杯爭盼一輪圓月坐久涼蟾猶未吐靄靄暮雲偏結低躡冰綃深藏桂殿不放姮娥出也應愁見有人千里華髮今夜地軸頻翻坤輿陡撼怕被饒蛟掣那有銀蟾和碧井留待金波堆雪三市霆轟九衢電駭屋瓦昆陽裂問誰無恙天邊惟賸瑤闕

送周求卓之任滎陽

滎陽京索是當年劉項舊爭雄處薑紫蝸紅纏碎碣畧辨



幾行秦楚汜水重關放倉賸壘蒼莽空今古西風夕照老  
鴉啼上枯樹君到試問當初鄭虔故宅三絕猶存否  
贏得兒童和笑說文采周郎獨步故國情親新京館物送爾  
驅車去休輕百里此間輦轡門戶

送鈕書城之任項城

碧鱸錦袍記君家舊傍垂虹亭子疎影暗香姜白石一旦  
起而爲吏綬染紅桃符分銅虎差足云豪耳欣然捧檄當  
年毛義如是極望地入鮑陽邑名南頓樹短纔如薺去  
約言僚閒射獵應認前朝戰壘古驛熊啼荒村虎叫日落  
城牆紫虛聲處士此言專仗君洗

咏陸雲士萬年水扇墜

長安六月玉河橋柳下凉水爭賣銅枕擎來高十丈只是

炎燄難耐忽見風前水晶墜子人意先蕭洒颼颼滿院似  
聞何處清籟傳道太華蓮西堯年古雪結此玲瓏塊磨  
却千塲閒歲月冷看人間成敗桂窟瞻精松根虎珀凜冽  
還堪寒更誰偷嵌幾叢藻荇橫簾

棠村夫子席上咏米家燈

東風作陣颼晶籠百盞玲瓏低亞淺倚紗屏和笑指此是  
前朝華書有蝶皆飛無花不笑翻覺丹青假何須周昉搓  
酥滴粉描寫問說上國樓臺東京士女最重元宵夜兩  
載傳柑渾寂寞辜負月明鴛瓦詎意今年尙書座上人在  
春燈下具平遺事廊邊鸚鵡能話

庚申長安閨中秋

姮娥天上恰晚粧添罷更臨瑤闕四十七年纔又見閨了

中秋佳節

中秋自甲戌閏後今歲始再閏

再瀉金波重懸晶餅分外鋪晴

雪廣寒宮殿依然翠鏤齊掣

可惜耿耿孤光蕭蕭夜景

縱好成虛設贏得冰輪圓兩度冬炤一番華髮萬里鄉愁

五更寒信幽恨憑誰說停杯南望山中叢桂應發

贈程令彰

令彰新正五日爲四十一初度

東風纔動正萸開五葉花飛六出雪正晴時天倍好越顯

帝城春色門挂桃符釵搖綵勝節又隣人日風光如此拚

他爛醉須直愛爾句闌蠶叢詩驚鬼膽餘子何當嚇四

十功名年未晚且溷朱門杯炙二陸才華

謂難兄綉章

兩程家

學底處無人識街燈漸闌爲君拚摘筆箇

題徐晉遺表弟所畫牡丹圖并以誌悼

時正是花大放

三人年少記臨風側帽姿尤清絕曾在沉香亭畔醉偷譜

清平三闋更取名花圖成粉本惹殺狂蜂蝶盈盈着紙誤  
人幾度攀折 今日畫可羞花花偏入畫一樣無分別可  
惜空山埋玉樹此恨只和花說縱有丹青也應塵土拌了  
嬌紅色花前一嘆胭脂亂撲成雪

無愁可解

題楨伯詩詞卷尾用粘影詞韻

記少日從君使健筆如風蛟螭盤攫更短衣破帽橫穿欲  
度絕漠蹴鞠彈箏豪士約撫掌轟轟笑樂似阿黑一輩人  
裂眦奮袂神色甚惡 詎料淪落關河將冶習狂名一朝  
除却笑古今青史細碎渾如蝨脚讓餘子纍纍若若只佳  
句清抵空山夜泉剪燈讀睡難着

彩雲歸

鑛錢

買花歸倚綉簾前  
問侍兒剩否金錢  
邀隔垣女伴消閒晝  
還趁取苔石幽鮮  
輕輕鑛青跌不定  
怕撩人髻蟬競負闌  
中劉毅喝雉喧闕  
琅然滾歸墻罅與柳綿  
一樣勻圓惱  
他隣女嬌小羸處慣  
倚輕僂喚重來頻呼不應走弄墻畔  
鞦韆無聊甚閒擲五銖暗卜歸船

春夏兩湘期

王家營客店排悶

古黃河曾吹鞦韆  
千片葦花颯颯何事衝炎愛把軟紅塵  
踏舞衫歌扇總生疎  
馬客餅餽空拉雜彈罷哀箏傾來濁  
酒自相酬答  
何門珠履堪跋且燕秦齊趙騎牛荷鍾自  
笑平生不慣縱橫押闔閭來車轉腹中輪  
狂時劍動親身

匪莫管今宵茅店荒涼鷄聲鳴邑

初夏同友人東郊外訪吳繩圃園居

有羅羅水烟千頃夜來初浣籬徑紫艷紅芳屋角牆頭相  
映草香小巷入都迷竹暗層扉敲誰應淺漾風簾愛他草  
閣居然舴艋幽棲不似塵境只間驅菊蠹小除松瘦濕  
翠難名到此萬緣真冷牙籤亂插道書香板橋對掩僧廬  
靚惆悵曾分半榻鶯聲一杯花影

述佛閣

初冬同友人小憩中隱禪院用片玉詞韻

早霞昨歛行散郭外盡歷溪館塘宿蒲短細沿磬響來寒  
戒壇幔境幽竹滿閒豎拂子小叩慧遠妙諦微婉更沾茗  
粥塵巾忽焉岸坐久漸忘却花影移楞還幾線更愛晴

建康詩全集卷十九  
七  
惠立堂  
堦砌成明鏡面歎急景浮生虛負漏箭悶懷誰見似殘菊  
無聊倚簷零亂再來期甚時纔展

寒夜登惠山草庵貫華閣

亂峯堆髻夕景未殘雪崖際一派空翠瓢堂語悄山牕  
落松子小樓欲墜斜嵌巖壑蹲若奇鬼暝色晴霽髣髴  
板渾忘在塵世開士暮歸晚鉢向石橋深磻洗坐客松  
寮鐘鳴黃葉寺喜今夜關河一碧千里感傷身世看六代  
青山月華如水是千秋倚闌人淚

由劍池循石磴上至平遠堂側覓徑復折而下至  
小武當有奇石縱橫林立佇眺久之

嶺歛棧仄循壁俯瞰潭子深黑風起濤湧此身幾被包山  
老龍得古苔繡蝕騰擲直上霜磴如拭高處奇絕曠望鄧

尉支礪翠螺滴 暫息塔鈴側又蹈虛空臨不測蘚滑境  
危盤盤深曷極見老樹槎牙三兩離立雨淋風裂似猿狖  
鬚聶作爛銅色忽類唐化爲奇石

爲李武曾題長齋繡佛圖小像

冷牋雪研纖膩滑笏恰稱烘寫偷翫閒把有人認是年時  
瘦司馬俊游都雅帽影蘸粉衫縷沾麝蠻雨啼鷓鴣畧記小  
驛奢香醉題帕 舊事一彈指可惜花開多易謝此後鬢  
絲吳霜將暗惹且料理心情消向蓮社茜竿低亞捧一軸  
迦文綃帶輕洒傍風前玲玢斜挂

東風第一枝

咏綠萼梅和呂聖求韻

粉界檀腮烟籠膩頸玉奴素質輕約風前乍坼紅鬚月下



低含綠萼一枝水上也不管鶯啼燕掠最憐他不甚分明  
飛破瀟湘白鶴 隔蟬翼層層都薄打稷雪冷冷又落有  
情故亞樓頭無聊自開屋角日高慵起慢搖動綠紗簾箔  
看苔錢色上花枝碧透何郎官閣

試燈夕同雲臣京少賦

萬戶燒紅千門照茜春燈零亂如許蓮釵綵燕還搖蘭街  
火蛾纔吐常時此際只做弄滿樓絲雨喜打頭新歲冰輪  
將到十分圓處 影對着翠奩私語袖揜着玉纖暗數今  
宵且疊衫痕後日定飄裊縷經年盼望容易近鳳城三五  
噯孟婆霧鬢風鬟莫把夜情吹去

是晚  
大風

丁巳元日大雪是日迎春

雪壓新年風飄殘臘瓊樓粉落如雨桃符素鎧離披神荼

瑤簪濟楚天公好事總餽徧山城粒糝小園邊飄瞥紆迴  
點綴辛盤椒俎泥駢透紅箋致語寒勒住鈿車游女士  
牛紺輓犁霜粘鷄花冠縈絮盈街彩仗畫一片慵情嬾緒  
自茫茫凍合乾坤不辨春來何處

月杪自吳門歸追和南耕毘陵元夕之作

上水船遲落燈風快歸家黯淡如許打門有客誰呼衝泥  
向人驕語香詞滿幅總故苑狂朋俊侶說郡城前夜閒行  
多少珠歌翠舞乍髣髴花間畫鼓再想像梅邊游女  
端似落星橋卷中疑謳金縷舊時情事悵光景拋人何遽  
但聽他提起元宵便有費思量處

咏玉蘭花

細雨搏酥好風搓粉枝枝斜壓闌檻牆邊無限玲瓏樓頭

許多掩冉瓊姿簷外總不受蜂侵蝶犯自生成別樣心情  
誰耐風光穠艷 隔著水盈盈飄颻籠著霧亭亭雅淡似  
憎杏把紅薰微嫌桃將絳染空濛皎潔來相伴空房小膽  
罨玉樓一片花光逼得盤龍鏡暗

踏青和遠庵先生原韻

簷溜纔停街泥乍浣花梢日影搖午陌頭霽景增妍水邊  
烟光添嫵茜衫笑檢憶春在謝橋深處正沿堤叫燕吟鶯  
吹滿一天風絮 離杏慘如塵髻縷溪柳罨帶烟朱戶  
完江左亭臺釀成花朝節序爲歡併日况漸逼韶光百五  
約鈿車來日重遊又聽小樓宵雨

玉燭新

咏燭

五更寒作陣正繡幕重重一枝斜隱當時曾在春宵底  
足美人春困雲沉雨重謝倦眼看承逾俊珊枕畔翠袖輕  
遮怕他隔簾風緊如今長伴空牀風也弄孤燈閃成青  
暈蘭心剪瘦誰聽得掉却玉釵聲韻金荷漸燼結徧釭花  
無準問紅燭今夜和愁燒殘幾寸

琵琶仙

閨門夜泊用白石詞韻

暝色官橋消盡了帶雨綠帆千葉驛口夜火微紅瑤簫正  
淒絕記醉惹銅街喚馬更閒凭畫樓聽鳩無數前情許多  
往事橫燕能說只細數花草吳宮除夢裡依稀舊時節  
欲買韶光暫駐待來春翠莢縱尙有鴟夷一舸怕難禁伍  
潮堆雪悔殺尉帕鴛衾那年輕別

泥蓮庵夜宿同子萬弟與寺僧閒話

庵外自蓮數畝

倦客心情况遇着秋院擣衣時節惆悵側帽垂鞭凝情佇  
寥泚三間寺水窗斜閉一聲磬林香暗結且啜茶瓜休論  
塵世此景清絕 詢開士杖錫何來奈師亦江東舊狂客  
惹起南朝零恨與疎鐘鳴咽有多少西窗閒話對禪床剪  
燭低說漸漸風弄蓮衣滿湖吹雪

題汴京大相國寺

寺相傳魏信陵故宅  
唐尉遲敬德監造

近婦飲醇悵失路英雄暮年無忌轉盼魏寢全荒朱門換  
蕭寺賺人是宣和舊譜惹恨有夢華遺事傳說東京當初  
燈火遙映南內 休閒話折戟沉沙只此地曾經浪淘洗  
剩得蕪痕玉篆傾尉遲碑字正罷酒憑闌時候遇西風落  
葉盈砌多少落拓心情飄零身世

四代好

泛艇春溪作

碧透雙溪尾蒲桃浪慣被煥風吹碎琉璃正滑簾紋小展  
一川空翠春衣篷艫慢倚十載事從頭都記等飄零曾渡  
汶水漳水沁水泚水汶水長繞孤城漳水又抱銅臺廢  
址可憐沁水還灌太原殘壘三關怒濤夜起過泚水重嗟  
餘耳總不如春水江南柔藍千里

雙頭蓮

留別集生

孺子長貧記少日江東隨余游射重來客舍但細數此地  
舊游都謝總被捲地西風把燭花吹地成獨夜只有君家  
榻懸爲余仍下憶昨食酒而悲學王郎斫地倚風悲咤

歌場舞榭祇添了一夕兩窗閒話  
多少剩水殘山付丹青  
曹霸笑客至泥板金釵粧臺輕罵

夏日過叔岱水墅鋪同諸子觀荷用放翁詞韻

老樹空村借風幔斜張儘堪栖寄  
飲如渴驥碧筒勸領畧  
野香荷氣詎料蒼莽中原有粘天雲水依稀似蓴脆鱸肥  
風光故園還記 携手散步林塘幾無愁鷗鳥向菱蘆睡  
江南游子誰憐我水上倚闌心事擬倩繫日長繩奈斜陽  
貪逝風颭處十萬紅衣乍眠旋起

龍山會

暮秋遽庵先生自吳中歸詞以訊之

颯杏梧宮葉舞徧西風又送人歸也  
稻粱吳地儉天外鴈  
揀盡寒汀空下誰識故將軍只亭尉徧工醉罵王和霸劉

仙月中如鉛淚瀉 剡曲興盡王猷嬾心情最聊蕭難畫  
買烟航雨艇歸計穩入手碧鱸紅鮓我倚壑巾樓見君蒲  
帆恰卸隔水榭一尺釣絲堪對把



迦陵詞全集卷十九終

迎陵詞全集卷二十

宜興陳維崧其年著

睢州田蘭芳梁紫

弟 維岳緯雲  
宗石子萬 叅閱

秀水徐嘉炎勝方

選

武陵胡獻徵存人

男履端

校

東明袁 佑杜少

姪賜薛

五福降中天

甲寅元旦

五更爆竹千門響  
蟲醒陽鳥春睡早  
湧形輪競開朱戶  
恰對南山晴翠桃符  
荔粉喜街影暄妍  
簾痕韶麗多少輕烟  
嫩靄做就好天氣  
磨徹菱花雙蒂綉  
奩爭早貼宜春字  
畫粉旛兒銀泥勝子  
帶笑上人頭髻年光  
已在牆外花鬚

橋邊蘭蕊拜罷勝常臉潮紅似醉

丙辰元旦和蘧庵先生韻

翩何青帝姍姍也將近江南幾驛。婪尾深杯換頭小令。冶習那能銷得。任他仙釋。算換了年光。也應沾臆。慵倚闌干。側帽不忍弄烟色。差喜漸無人識。楞嚴纔註罷。門庭寂。三徑苔鋪一籬。梅綻相與從無疎密。鶴窺草閣。雀啣柴門。宜春休帖。愛煞溪痕斜橋成小立。

穀日和蘧庵先生仍用元旦韻

春田躑躅開將徧。紅透水橋烟驛。隔歲辛盤。昨宵金勝。又聽青鳩得得。近寒都釋。正墻噀花冠。隴翻嬌臆。且把農經一卷。映午餘晴色。春意窗楞先識。雨工行雨罷。茅簷寂。茜入梅閣翠歸蘭圃。裙幄料應銷密。歡生祈穀。兆叶占年。

比閭安帖閒看蜻蛚鈎竿絲上立

燕歸慢

虎丘遇劉元玉因憶東臯舊事賦感

前事濛濛對天邊皓魄場上晴空僧宿秋夜話霜磴故人  
逢蘇臺原是綺羅叢被牧笛吹來幾陣風揚州舊花月也  
應與此間同歌館閑舞衣散玲瓏老野狐窮歲月已非  
光景在尋常到夢魂中蓮塘墜粉泣香紅總綴就閒愁點  
客蓬杳靄棹歌響又何處度疎鐘

松陵道上追感計甫草趙山子兩孝廉用湘瑟詞

韻

醉欲騎蓬憶當年吾汝意氣凌虹交情千里外心事一杯  
中情人墓上雨濛濛又水調吹波夜起風吳江落楓葉只

餘我舊鵲籠 洛水戲山陽 笛淮陰釣未央 鐘徐劉應阮  
俱凋謝 算此恨古今同 倦游踪跡類臨邛 且度曲吹簫倚  
小紅 姜白石詩有句紅度曲我吹簫之句 來朝過鶯脰 好撥棹破晴空

夜合花

爲丁子硯催粧

人柳腰眠 聖檀額注 犢車催下屏風 勝常道罷 腮邊春暈  
微紅 呼燕燕喚蟲蟲 桂堂西 小著輕容 問伊姓氏 父名鄭  
季母號樊通 鶯聲夜半玲瓏 多少帳前細咳 爾汝歡儂  
今宵夜冷 勸郎文籍休攻 蘭缸細鳴鑪爇 卸花簪 早傍薰  
籠 羨他大婦 偏憐敬禮 代掩珠櫳

廿二夜原白堂中觀劇卽事

劇演精忠

青漆門邊碧油坊底 一庭霜月初濃 隣家夜賽春燈社火

攢空攸越覲舞巴童颺靈旗不滿微風正無聊賴聽歌簫  
鏘衝酒闌東神絃一曲纔終更有梨園雜鬯院本絲桐  
岳家遺恨夜堂一片刀弓悲曼衍嘯魚龍惹當場淚灑鵬  
紅須行樂耳何知底事且酬金鐘

慶春澤

春陰

已近花朝未過春社小樓盡日沉吟暝色連朝注南倦客  
難禁門前綠水昏如夢粉雲遮失却遙岑謝橋邊凍了梅  
魂結了春陰年時恰是鶯花候正黃歸柳靨紅入桃心  
舞扇歌衫參差十里園林東風吹得韶光換詎料人真箇  
如今問何時日上花梢細睂鳴禽

換巢鸞鳳

咏燭

暝色初臨正金荷灼灼鳳脰沉沉燒殘終有淚剪斷豈無  
心饒脂注得十分深光翻金粟影動瓊林春檠上看帶笑  
花開似錦瘦沈躊躇甚曾記華堂半減情難禁金鑰傳  
時玉堂難處對對紅酥翠沁蓮燈緩導上元遊蘭膏濃挽  
平康飲如今絳蠟照人長是孤寢

春感

月煖絲柔正花枝粲粲鳥語鈎輈斜橋雲似粉合澗水如  
油臨風却憶少年游閒踪跡徧旗亭酒樓如今也只淺淡  
眉痕相闕知否人感舊滿砌薜蘿綠窗清晝記得年  
時暗曾經處深巷紅欄弱柳飄盡楊花雨偏肥摘來梅子  
春先瘦悵風光更消人幾徧回首

雨中憶蔭絲軒前梅花正開詞以代訊

倦理紅裙有如塵似夢萬斛閒愁濺濺沾綉幌浼浼漲銅  
潯帽檐小側撚花枝倩鶯語替簷前雨鳩春山影恰幾日  
都如中酒低首東風後記得君家一樹偏嬌秀每趁年  
光慣將香雪亂惹倚樓人手開處斜憐綠波明折來雅稱  
瘦肌瘦雨窗問訊只今曾否依舊

高陽臺

題余氏女子綉高唐神女圖爲阮亭賦

巫峽妖姬章臺才子賦成合斷人腸綉閣停針含情想像  
高唐清宮舊跡今何在不分明水殿雲房蟬蛩遺憶著行  
雲恰費商量蘅皋暮雨淒涼只楚天一碧與夢俱長霧  
縠霓旌幾時重得侍君王小睡紅絨思好事却剪刀聲出



迴廊更添些紅杜青蘋做出瀟湘

繡佛

絹盡翎毛刺完花卉生憎滿幃春愁一事縈懷纔忘又到  
心頭濟尼索繡鬢陀像猛思量此諾須酬研繚綾香要先  
熏樣要親鉤 配勻五色長生縷記鴛摩夙業迦葉前游  
繖線飛針盈盈分外纖柔狂夫悄問儂何願暈春酥忍笑  
凝眸且添他旛蓋飄颻水月空幽

壽樓春

爲白琅季節母吳孺人賦

裁綃衣霓裳配羿妃清冷嬾女蒼涼夜夜長歌寡鶴短歌  
愁風摧短髻爲秋霜染啼痕眠芊幽篁歎海碧天青瞻呱  
兔老六十載共姜 築柘館連芸窗更授經帳底畫衣

旁機聲中撓洛誦書聲琳琅剪玉樹成佳郎羨季心詞塲  
擅場俠哉女公孫萱花栢舟千古香

春日追昔游

尋春來鬪郎惹一生惆悵千種思量尙記風前秀靨月中  
嬌靨燕竹店梅根坊廐水花晴絲悠颺恰宛宛調鸚盈盈  
與馬手語粉巾香斜日下東方狂將十年前事吹入微  
茫贏得筌篲昔昔琵琶根根花壓帽啼霑裳怕重逢年時  
韶光又洒旆斜挑誰家小門青粉墻

木蘭花慢

歌筵感舊

誰家擣步障明月夜賞花天正壁帶紅稠簾衣綠縐夾路  
釵鈿從前也曾聽處漸如塵似夢記難全遮莫延秋門裡

不然道政坊邊 銅仙有淚瀉如鉛攬鏡惱華顛詎飄零  
江海重歸故國再上珠筵龜年莫停歌拍拍舉頭皓魄不  
長圓正月新蒲細柳滿塲橫竹么絃

壽虞山張以韜四十

應王石  
谷之請

虞山山拂水風倒捲吼簾泉想紅豆村庄絳雲樓閣翰墨  
流傳風流後來誰繼有天都逋客淡張騫水檻斜欹垞北  
晴軒正面湖前 王維今日畫中禪說爾最豪賢羨坊號  
光 and 里名通德臺曰超然行年只今四十已手摩銅狄歎  
桑田俠骨毬塲酒舍閒身茶竈漁船

壽吳母黃夫人五十

夫人余友  
園次賢配

紅雲飛一朵鸞鶴下叩真妃是江夏無雙吳公第一兩好  
門楣相逢瑤臺擘脯說蓬萊清淺事依稀興慶池頭命婦

鹿門山下賢妻 恰依然椎髻牛衣四十九年非  
趁雪霜紅洞庭水碧茶甌漁扉回頭莫論舊事  
記滿湖燈火醉翁歸坐上麻姑天姥膝前謝瀟  
王微

汴梁城內有李師師巷經過感賦

是東京舊蹟愁漠漠雨絲絲悵趙宋繁華  
樊樓語笑總被風吹淒其剩勾欄在照綠窗  
曾挂月如規今日頽垣廢井當年舞榭歌基  
師師雪貌玉爲肌玩月賞花時惹君王  
夜幸香橙暗擘膩笋潛携誰知小屏風從有  
周郎低唱斷腸詞一代春嬌寂寞半城夜火  
參差

夜坐偶感

正三更打徧小簾外雪花飛有魏博監奴  
天雄內宅袴褶黃皮飲餽錢會食羹兩行紅  
燭霧成圍銀甲崩騰碎摘

玉船狼籍爭揮 依稀啁哳更喧呶  
訴諄旋譟笑賀公  
吳語參軍蠶語相視然疑吳姬吟鶯叫燕記綠窗細款抵  
游絲惆悵新眠難穩淒涼舊夢都非

過故友周文夏園亭

東風昏似夢又吹我此間行筭有限歡娛無多光景也費  
經營當初笑呼猿鶴待功成綠野始尋盟空却池塘睡鴨  
留些欄檻穿鶯 盈盈殘月不勝情依舊下簾旌歎堤楊  
尙短林花未滿舞館先傾清明滿園蝴蝶只和烟帶雨舞  
迴汀黃雪廊邊舊事水明樓畔前生

新霽過陂厓訪雲臣不遇詞以柬之

杏花村賣酒風弄處一旗偏且側帽微吟閒攜步屨來蒞  
斜川風前暗添語笑儘閒坊小曲總喧妍擬作鶴窺籬外

軒勾蝶出花間 闌干柳絮滾香綿吹向綉簾邊奈綠窗  
倚偏爐薰悶若茗椀依然吟鞭知他甚處料狂僧小史與  
流連鬪葉定迷深巷衝歌隼上游船

戊午中秋同既庭賦

既庭中秋與既庭  
同在玉峯三友園

舉觴浮皓魄何故向客中圓只斫月吳剛登樓王粲一樣  
難眠長安金波萬頃儘六宮三市浸其間天上桂輪晶餅  
人間玉臂雲鬟 年前曾在馬鞍山半醉恰憑欄對丹崖  
翠瀑狂歌曼嘯滿盡纔還誰憐萍踪無定又天街携手共  
君看今夜鳳城雙闕素娥分外嬋娟

翠樓吟

席上贈伎時伎三日後卽落樂籍

銀甲捱纂珠條絡鼓清歌屈柘如縷人到離筵裡儘眉黛

愁將碧聚縱橫玉筍似綠柳繁烟紅蘭着露歆鴈柱一場  
春夢沒些情緒 他日縱過侯門只光延坊畔櫻桃一樹  
奈銅興催上更糝遍一街綠雨橫波重注看斜側帽簷銷  
魂無語紅燭底新官舊主一般胡覷

惠山雲起樓作

萬斛空青一天冷翠和晴飛上簾押老松三百本山雨響  
偏張鱗甲崖傾峯杏有客註茶經僧編菴夾泉鳴邑恰逢  
深礪樵吟相荅 晚值瞻影初昇似姮娥粧鏡夜深離匣  
碧雲千萬頃被一點玉纖偷指月明三匝謝鶴許携瓢猿  
呼荷鍾爲盟軟他年傍此竹弓射鴨

三月十五日虎丘卽景

桃花水絳耶色天青早烟着人如醉風光日夜換換不了

吳宮羅綺千年霸氣只鶯囀山房鴉啼水寺當年事斷崖  
老樹依稀能記 台麗簇隊成團有釵蟲落磴裙梅飄砌  
劍池苔蘚黑越顯得明粧絕世佛前私誓怕亂水東流夕  
陽西逝憑闌望五湖晴爽碧空無際

### 小院

小院蟲蟲斜橋燕燕佺佺觸起閒事當初粧閣影亂纖在  
濛濛秋水餅金曾費只起月藏鈎隔花傳謎依稀記遞香  
窗眼浸嬌杯底 顚顚此日重來剩榆莢漫天苔錢鋪地  
心情何處寫擬寫上繚綾帕子研來鬆膩怕未便緘愁還  
難盛淚斜行字沉吟劃滿竹肌空翠

### 曲游春

### 花朝



穠春無限好正雲剪春羅水鋪明鏡滿目紅芳記淡烟斜  
日江南時景紅板橋西路有萬縷綠楊拖徑更憐次第風  
光巧鬪吳娘花勝 回首天桃露井憶檀板銀罌那時俱  
並人在花朝有嬋娟姿格玲瓏情性自後堂分袂長則是  
如醒似病可惜憔悴蘭成淒涼家令

上巳修承招同諸子修禊

昨夜風吹雨恰晴光早繡正好修禊弄碧垂楊倚斜橋招  
手邀人水戲洛浦風光麗况滿座安期千里一樽故國心  
情三月麗人天氣 小苑露桃開未正紅萼猶含枝上輕  
綴幾度花前趁閒身正健祇須沉醉莫管金鞭墜酩酊也  
斜陽歸騎向過無數羅裙盈盈挑薺

映山紅慢

竹菇用湘瑟詞咏石榴韻

三月厨娘乍榨就桃花茜醋恰園後籬邊幾叢新長臙脂  
三五湘娥竹下啼猩雨灑鵲痕映空山暮弄風味世上侯  
鯖禁癩應妬 山館下極望嫣然早已向幽窗催句正此  
際太常齋日小摘珊瑚一樹浣餘還怕芳香損倩筠籃把  
紅鮮護傍闌干佳誤飛下銜花燕羽

看花廻

南嶽寺大悲閣上看玉蘭花用清真詞韻

春山淡冶如笑風光鮮潔梵閣斜盤碧磴恰千點瓊葩瓏  
瓏纔結花明玉淨小闌山窗鶯語滑憐少室珠樹輕分天  
花無着姿清絕 想只有山間白月還記省鬢陀根節誰  
伴深林清苦只幽澗蘭心亂崖石髮孤情絕照古寺誰曾

經浪折半簷花千嶂瀑看煞難分別

月當廳

虎丘中秋東遶庵先生用梅溪詞韻

先生時寓皋橋

碧海此夜冰輪滿龍堂老鐵吹裂波心斜倚廣寒一望兔窟清深照徹吳王宮殿徧臨街簾子漾綃金更多少伎船燈火水寺謳吟茶鐺正穩皋橋畔好風光摘船試約閒尋月底半塘譁笑百沸潮音檀板競從石塲鬪桂花都上帽簷簪如覓我聽歌處在斟酌橋陰

桂枝香

甲寅中秋

霜簷如洗有碧落水輪今夜飛墜月海霓裳殘拍淒涼猶記素娥休向吳宮照有多年雕闌錦砌金波萬頃細看來

是倚欄人淚 弄世上雲鬢玉臂和老去英雄一般憔悴  
落葉啼螿只是夜長難睡銀壺擬訴孤光倒奈沉沉悶懷  
先醉水明樓畔西風江上有賓鴻展

石亭探桂和竹逸韻

晴秋摘黛肯閑置車中學婦人態南郭先生約我書溪擊  
汰石亭老桂榱桷甚賴前游何妨今再霜蓬汎酒僧廬鬪  
茗談禪說怪特有談鬼伯要掃事漸石壁斜翻暮靄照亂榭叢篁  
蘚痕纏蔓忽放狂顛老子生平無賴西風歛却英雄手只  
頻年持螯剪蟹城陰歸晚繽紛金粟帽簷齊戴

蟹

萋萋淺渚有郭索爬沙攪亂村杵溪籐霜紅織滿夕陽鴉  
渡鰭人拂曉提筐喚小門邊徒驚羈旅羹材誰筭子魚通

印河鱗雪乳 記昨歲秋窗鳴雨見小插黃花濕蟬拖處  
笑說舊肥健陸桂堂曾賄玉纖簾底須親擘况西風釀寒  
如許沉吟此事何時還又暗聽街鼓

玲瓏四犯

月下聞笛

三五良宵看雲月澄鮮幽輝盈抱羈旅無眠愁思幾番縈  
繞滿園春水空濛映翠竹枝枝斜裊恰嘹唳誰家入破遙  
想小樓空悄 因思天寶梨園隊有金鴈鈿蟬絕妙更偷  
把寧王玉笛吹徹誰知道一自華清人散繚垣外閒花野  
草歎此生頭白天涯再聽伊京別調

人日前一日雪中用梅溪詞韻

勝裡春人和天上瓊葩今夜雙剪糝粉飄綿舞困乍颺仍

捲低處纔滿銀塘旋又上鳳樓堆徧問曉來還積多少定  
沒小窗雙扇 柳花尙早梨花未訝濛濛急時相見拚將  
冷淡疎狂性行盡天涯遠祇怕火樹漸紅燈市上翠愁珠  
怨料六花情重留些元夜印弓痕淺

苦雨同雲臣用梅溪詞韻

屈注銀潢問天畔河流還剩多少風雨爭馳鐵騎金戈齊  
到只有幾疊屏風上畫着吳天晴曉歎年光銷沉何處都  
付汀烟水草 今年統扇淒涼甚未西風早辭懷抱簷端  
漫訝紅輪吐却是榴花照無數詞客城南久冷落酒壚歡  
笑怪天公也學銅仙流淚向宮門道

大江乘

聞鴈

金風凜凜將冷鴈糝下半年煩惱撲逐征南諸將帥飛透  
黃榆白草萬里邊愁一行兵氣辛苦憑誰道過雲裂石數  
聲橫度林表我且緩把一樽水明樓畔側聽心如擣響  
帶秋砧偏覺慘更犯幾般曲調南浦烟深後湖陰重月挂  
關門小不如北去怕蘇卿雪窖將老

霓裳中序第一

咏水仙花次尹梅津咏茉莉韻

珠櫛寒粉騰暈罷銀篝紅獸熱恰值青霜騷屑有一種瑤  
芳白花翠葉海天皓月美玉娥生長綃闕斜春渚竟川舍  
綠一笑嫣然絕妙絕頓成離別長則伴兒家粧箇有時  
墜落簾弗看盡人間多少蜂蝶五銖寒到骨悵千里洞庭  
飛雪傷情也舊家何處悄對素梅說

天寶倩隣娃暫歇  
摻搨待我作漁陽操

咏杜鵑花

小樓日日輕陰花枝映得紗窗曙  
恰推窗看玉欄干外紅香無數  
櫻筍時光鞦韆院落視他嬌嬈只一枝怯雨  
泫然却想故鄉也知何處  
自別西川萬里擬消受江南歌舞  
詎料年年每當開日便成春暮  
甚日重逢錦城絲管華陽士女待化爲蜀魄  
枝頭喚道不如歸去

咏繡毬花

洞天雲海沉沉瓊屏小  
闌銀毬墜亂拋下界細粘枝上輕  
颺斜綬刀剪無聲裁縫滅跡粉搓雪  
膩笑墻頭柳絮成團  
打塊學嬌樣終難似  
誰把一規圓月破工夫玲瓏割碎  
玉欄干外映來一色亭亭常在絕代  
瑤姿明粧自好胭脂



都退被佳人折下紅尖戲蹴向鞦韆背

城上看桃花

花光撲上春城曉。曉直把人衣染。家家百舌年年三月桃  
花滿店。誰釀梨雲更攪柳浪。倍添伊艷。那家映水開偏  
好。胭脂一院門長掩。城下綠蕪如毯。不禁風酒旗輕颭。  
也應明日再來尋處。落紅萬點。囑付花鈴。忍令一片頓隨  
春減。恰墻頭幾朶含情。送客暗頰嬌臉。

送春和雲臣韻

春光不像曾來如何。又說春將去。一尊別酒兩行情。淚淒  
然無語。恰似明妃紅顏遠嫁。玉關難駐。歎今年烽火連天。  
戰鼓都攔截春歸路。偏是魂銷此際。怕天涯。少人憐處。  
臨岐低囑。縱然去也。休忘尺素。忍見愁紅將飛。更怯乍颺。

底

飄然雨情  
多情合

原詩無限

旋住想溪橋來夜飄零有恨與何人訴

巷口見磨鏡者

琅然者是何聲因風飄入深閨裡  
蝶蜂引處賣花聲  
郎伯  
涼嬌脆  
暮地誰家  
隙環小響輕  
搖梔子兒一雙  
小玉盤龍  
暗捧和羞映中門裡  
山匝一輪新  
水要秋宵涼  
蟾關美  
紅綿指罷  
撲將紫粉洗他空翠  
此際菱花宛如月樣佳人  
心喜只耽粧攏鬢無端忽憶嫁時情事

秋日過飲陂庵紀坐上人語

萬家砧杵秋城重來何處尋  
門巷三年一別孤身作客蠻  
江烟浪綠  
幘榕城金尊荔浦慣陪牙將  
自連天烽火舞衫  
換了亟爲買歸吳榜  
屈指當年儔侶舊梨園  
蜂惆蝶悵  
或伴侯王或成駟  
僧或淪厮養縱剩柔條也應不似灞橋

模樣趁啼鳥乍歇霜天漸曉撥箏唱

秋城看西溪戰艦水閣

豁然老眼新晴戍樓下俯秋江遠嚴關金鼓西風彩幟盈  
川鵝鵝狎水黃頭凌風畫鷁銀濤怒捲笑喧闌錯認龍舟  
蓮舸惹士女傾城看瀟碧微涵鏡面有周侯廟臨溪岸  
亂離重遇英雄何在登城長歎昔日波平今朝浪駭魚龍  
蒸變漸日斜人靜盈盈蘋蓼弄陂塘晚

秋感

夜來幾陣西風匆匆偷換人間世淒涼不爲秦宮漢殿被  
伊吹碎祇恨人生些些往事也成流水想桃花露井桐英  
永巷青驄馬曾經繫光景如新宛記記相逢瑤臺殊歷  
微烟淡月回廊複館許多情事今日重游野花亂蝶迷蹤

而已願天公還我那年一帶玉樓銀砌

送梁溪明府吳伯成先生新任閩中臬憲

無諸城已銷烽鷓鴣雙引熊幡舞鮫宮浪偃鯉湖波靜散  
騰榕浦荔子搖丹石華漲綠海雲佳處仗九龍仙令二泉  
茂宰洗兵馬爲霖雨 只我離情萬縷逐盈城攀轅士女  
摩空瘦鵲倚牆病驥飄零誰訴落落襴衙茫茫劉表此身  
無主送千秋鮑叔紅旗掣電向閩天去

壽尤悔庵六十用辛稼軒壽韓南澗原韻

曾經天語憐才如今老却凌雲手開元鶴髮茂陵鉛淚海  
天非舊長樂笙簫連昌花竹可堪回首筭軟裘快馬呼鷹  
縱犬當時事還能否 摘盡瑤臺星斗水敲軒夜明如畫  
離騷一曲清平三調小盤珠走漢殿唐宮能消幾度花陰

東坡詩全集卷二十一  
四  
杯酒鬧箏琶腰鼓紅櫻紫筍上先生壽

八  
壽朱致一五十再用前韻

花前日飲何須暫住捱繁手連凋華頂桑栽蓬島月  
明如舊歷歷神州茫茫知己幾場搔首問王家阿黑桓家  
靈寶今尙有其人否金印由他如斗且逍遙藥欄紅盡  
莫愁蘧伏只須龍臥任呼牛走撥觸雄心半床冷劍千杯  
熱酒喚堯年老鶴秦時毛女捧卮來壽

壽黃珍百七十仍用前韻

楚天解組歸來顛狂肯放杯辭手黃鷄一曲千場保社百  
年親舊起舞婆娑好風吹帽野花簪首試酒酣重問清宮  
烟景仍髣髴從前否君說崖欹峽斗亂猿啼絕無昏畫  
岳陽樓閣洞庭波浪銀飛雪走一笑浮生杜陵花鳥信陵

醇酒向彭錢驕語爾曹還總讓才人壽

上觀察金長真先生

當時懸瓠城頭經過已切登龍願一星忽到三吳重地藉  
公司憲建業旌幢廣陵笳鼓歡聲騰徧更庾樓鄭驛錦袍  
銀燭高會盡東南彥伏謁敢辭疎賤况盈盈鄂君舟便  
時分健庵學士渡江亂帆吼雨西風跋浪珠飛雪濺聞說平山歐陽  
舊蹟書堂重建願從公之後闌干醉拍眺秋江遠

乙卯暮春雲臣齋頭看牡丹

一年一度花前舊年笑語鶯猶記今年倍好纔開便遇養  
花天氣料理銀罍排當檀板綠窗如水喚游絲舞絮遮圍  
繡幙休輕放閒愁至多少倚闌心事悵神州斜陽戰暈  
沉香亭畔慈恩寺後蘼蕪滿地只有江南一棧如故紅酥

粉膩任英雄老了花還賺我且逢花醉

送蔣慎齋憲副視學江右

一川紅藕花開樓船西上潯陽去江涵翠榜風吹絳帳玲  
瓏無暑鹿洞儒生江州僚佐歡迎湓浦料匡廬九疊凝粧  
染黛向鵲首競繁舞漫說關山金鼓奏笳簫中流容與  
滕王閣在琵琶亭好緬焉懷古亂日才多兵間士賤青衫  
失路仗先生獨挂一輪冰鏡作斯文主

安慶龍二爲舍人光能知夙生事自言蓋凌波池  
中老龍也魂夢往來時常髣髴又言生平每當  
淒風碎雨則奮躍欲狂一遇晴霽則吻燥神枯  
怏怏不樂睦州方進士某爲作傳傳最詳凌波  
池在西京終南山下

三生石上精靈依稀認得重來路終南山下凌波池畔紅  
泉綠樹水國前緣綃宮閒話冷風酸雨記耕烟跋浪揚  
濺沫夜碧落朝懸圓一自甘泉獻賦謫紅塵此間殊謾  
鐵笛滄洲驪珠樓館幾回驚痛太液鯨紅玉河蜃黑舊游  
何處正霜天萬斛西風隱隱有銀濤怒

白蓮

水明樓下相看涼荷一色瓏鬆地赤欄低壓綠裳輕蘸月  
明千里小苑梨花重門柳絮筭來相似傍前汀白鷺幾番  
飛下尋不見迷花底無數弄珠人戲小酥娘水天閒倚  
明粧束素非關只愛把穠華洗爲怕秋來滿湖紅粉惹人  
憔悴拚年年玉貌江潭夜悄凝去如鉛淚

春游卽目賦得侍兒堪感路旁人



花間一輛雕輪繡緯裊盡東風細龍旂壓角翠釵鈎葉流  
蘇百琲暗想其中宮黃蕃錦不過端麗縱玉環豐豔金堂  
嬌貴瑤池侶休凝睇忽見花枝徙倚是誰家穿簾燕子  
忍當春冷拋他慢後坐他車尾彩筆飄蓬青衣淪賤古來  
如此料歸時淺導銀燈轉那箇屏風底

慶春宮

秋曉

杳杳秋紅漾漾夜碧成樓乍歇疎更宿鳥啁啾遠鷄唧唧  
野烟繚繞初生水明燭暗聽天外南來鴈聲夢迴酒醒人  
倚高樓月在前楹初暘澄澹堪驚纔漾庭柯旋映簾旌  
楓相山林蓴鱸水郭家家軒檻新晴五湖堪長總莫管天  
涯戰爭數村橫笛一片西風十載浮名

氏州第一

秋日懷東臯諸子用周美成韻

千片芰荷零亂簾捲西風人倚樓小橫竹泠泠峭風歷歷  
一碧遠天縹緲非淡非濃颺水國村村斜照中酒心情欲  
寒天氣暗催人老 三十六鱗江上少奈無限舊愁繚繞  
沙鳥將雛江鳬傍母秋水柴門抱正搓橙時候也題糕近  
龍山歡笑寫盡吳牋盼晴空翠屏都曉

詰鼠戲同雲臣作

秋夜燈青窸窣作響先生拔劍而怒鼠輩來前復何敢爾  
爾罪誠難悉數蛇虺猶堪耐不耐汝曹僂僂每到更深觸  
翻杯瀝動搖屏柱 書籍縱橫遭點污擗搯到五車六庫  
穴內乘車蜜中漬矢變幻難憑據飲河歸休浪喜高堂下

獄詞先具速付歐刀便剛風也思熏汝

鼠對

帶月啼梁乘夜發屋戴頭人立而語顧謂主人憎予太甚  
芥蒂寧因細故窺藪無長物幸託均堂沮洳昔在倉中李  
斯丞相記曾相慕 今日深文何太苦笑作事乃公殊謾  
俠不屠龍仙難控鶴僅磔張湯鼠安能久居鬱鬱化青頭  
凌空飛去古洞長松有黽黽是吾伴侶

拜星月慢

余不到玉峯三十餘年矣乙卯清明與植齋竹逸  
重游是間賦詞感舊

花朵擎來柳絲飄到一陣卓金車子百五韶光觀賣餚天  
氣半山上多少蒼松翠檣掩映舞裙歌袂紺岫頽崖有從

風羅綺 捫頰帶劉損苦成字忽暗省三十年前事幾編  
側帽思量記不全頭尾怪天桃仍舊紅如此劉郎彭不禁  
星星矣問今夜細雨棠梨肯替人愁未

花犯 又一體

咏鄂陵顰梅花并寄樂日緝侍御

一枝枝未曾經謝黃時早如子霜簾捲處較金縷衣痕多  
些香味而而聖樞風外綴萼威微龍紫似昨夜侯門燭滅  
銅盤堆顰淚 傳聞鄂陵戰場多問花何偏傍荒城廢壘  
拈花嗅形容遍幾番不似多分安陵年少客半醉後金丸  
拋葉裡想天上故人鄉夢惺惺長記此

咏竹逸宅內薔薇

弄晴天紅薔枝盈盈媚初夏開花小架恰倒影廻塘綠

水如畫柔條亂舞銀牆罅  
朋朋千斛瀉籠綉榻低枝近手  
偏將鴛袂惹 老松擎雲吼  
濤聲繁英爭葦引松身都化  
似天半作勢處燭龍將下看灼灼猩肌萬點照十二樓前  
渾不夜還則慮晚來風雨紅顏偏早嫁

同雲臣盤南水上人過竹逸齋看芍藥

看君家崢泓蕭瑟門庭寂如木  
雜花鋪綴任紫艷紅英罔  
繞籬次年年步屐隨蜂至許多花下事  
算只有風前鈴索  
知人吟賞意 今年東吳到詩僧相逢何況又落花天氣  
禪板靜相將闕賦才清綺誰知道  
百花謝後還領畧粉香  
新月底凝望久爲伊凭燭開千紅  
梵宇

西山晴雪

徧欹崆玲瓏晃耀瑤瑩插千點  
六花飄颻照綺 溫磨光

彩逾濛濛憐獨騎迷山店禪扉又早掩再好問何村賒酒  
吟情遽莫減誰工畫圖論人間除非倩妙手迂倪寬范  
潭柘寺僧兒寺粉裝銀蘸群峯只東偏消早依舊吐一枝  
青茜茜憑欄望吾狂甚矣笛聲吹阿濫

阿濫堆曲名倪迂  
范寬俱畫中高手

齊天樂

一名嘉城路又  
名如此江山

暮春風雨

小樓昨夜東風到吹落蒲團空翠時有茶烟絕無人影好  
箇他鄉天氣淒涼欲死見燕剪平蕪柳拖春水暗省從前  
如塵似夢最難記當年曲院寒食傷香花更煖許多情  
事金斗猶溫玉釵還響已送愁人到此也思寬慰奈把酒  
聽歌幾番不是暮雨瀟瀟記吳娘曲子

鹽沙旅店紀夢

坐來冷店思量過。昨夢太無頭緒。燈影青檠。被痕紅皺。說也惹人悽楚。迴腸千縷。總些箇情懷。舊時言語。枕畔匆匆。三更人到消魂處。那人還未憔悴。松兒猶合數。怕兒親與燕子。悄悄柳花拍拍。多分池臺易主。黯然無語。憶鏡裡朱顏。簾前白紵。一片空江。響數聲疎雨。

重游水繪園有感

園丁不認曾游客。喚人繞廊尋覓。紅板橋傾。綠楊樓閉。語出荒寒一段。看棋柯爛。算往事星星。酒旗歌館。深悔重來不來也。省蜂毛燕。風前又成浩歎。說此間蘿屋。有人羈絆。恨極寶珠綠。慳慳搗藥。贏得啼鵲頻喚。扁舟故國。只皓月魂歸。清江目斷。今古劫灰。付日斜人散。  
吳門吳謹仙詩。此圖歸瓦梁溪。

後段及之

端午陰雨和雲臣片玉詞韻

紅榴淚點蘇蘇雨正因此時重五怨結湘纍悲纏騷客天  
也爲人酸楚孤城蝦虎語邑名蝦虎城幾陣茶烟一絲髮縷觸  
緒沉吟蒲樽嬾賞小埤午江南江北行徧每逢看楚渡  
傷今弔古俛仰隨人飄蓬返里蠹盡彩箋新句流年空度  
記麝粉釵符舊關心處鎮日空濛戍樓將勁鼓

梅廬花下送潘原白之薊門友人之彭城

笛聲樓上飄來細又了一年梅事有客花前作裝縛袴通  
羨五陵佳氣昭王養士築百尺金臺憑空飛起今日游燕  
問誰買駿有如此彭城有人並舸歎蕭條徐沛沙淘浪  
洗長短亭邊淺深杯送一樣故人千里清明上巳筭總是  
來朝住爲佳耳欲浣離愁倩半江春水



早春壽魏塘柯素培先生

東風一夜漫天綠，搓勻柳湖烟水。幾樹橫斜，萬株香雪，絕  
稱小樓人倚。梅花天氣，正院貼宜春，釵搖燕子。纔過新年，  
六街已鬧，夜蛾未。一輪卿月，將滿戟門，群歡壽絲竹清。  
晚綠蟻難乾，碧桃旋放，此曲飛瓊能記。萱闔日麗，况膝下  
綵毫承恩，天際簫鼓聲中，泥金齊送喜。

立春日東高謾園

時設園  
新納姬

御溝流水依然凍，東風已窺窗眼。韭摘新烟，餅堆弱絮，縱  
有咬春誰薦。沉思故苑，正萬點橫斜，半篙清淺。玉臂今宵，  
料他雙勝也慵剪。長安多少，羈客除非，高渤海此恨差。  
免喚馬簾間，鬧蛾橋上，夜景有人拘管。俊游灞澹，趁微雪  
金門早鶯，珠館待去朝，天翠衾新贖嬾。

彈

高柯一碧無情極誰遞晚來秋信鴈塞琵琶鳳城砧杵鬢  
髭一般音韻悠揚不盡待隔水聽來數聲偏俊譜入哀絃  
聲聊捕處倍淒緊玉盤金掌雖好餐霞還吸露此事難  
準帽插豐貂機鳴素縠幾度愁他相潤悄然低問可仍記  
當初衛娘低髻仙脫寧遙料丹青有分

題松萱圖爲姜西溟母夫人壽

憑誰細研吳綾滑貞松皴來蒼窅窅可挈雲濤偏涕雨只  
伴疎梅衣縞霜零雪嫋兒著得書成龍鱗暗老十載飄蓬  
枝頭飛去翠禽小鄉關悄然回首小橋新月下茅屋偏  
好肱被輕分江魚遠致長祝歲寒相保清愁未了再添筆  
紅萱欄邊斜褰擬答春暉此心慚寸草

遼后粧樓

洗粧樓下傷情路西風又吹人到一縉山鬟半梳苔髮想  
像新興開掃塔鈴聲悄說不盡當年花明月曉人在天邊  
軸簾遙閃茜釵小如今頓成往事同心深院裡也長秋  
草上苑雲房官家水殿慣是蕭娘易老紅顏懊惱與建業  
蕭家一般殘照惹甚閒愁且歸斟翠醪

綠水亭觀荷

分明一幅江南景恰是鳳城深處野翠羅羅嫩晴歷歷撲  
到空香萬縷早村人語是柳下溝塍籬邊兒女稻葉菱絲  
隔紗長作打窗雨蓮房箭鞞簇簇西洲都蓋滿睡鴨新  
乳碧甃迴廊黃泥小竈幾斛冷泉親煮倚闌凝佇記捲書  
東頭舊尋詩路招箇烟櫓飄儂溪畔去

楓橋夜泊用湘瑟詞楓溪原韻

楓橋漁火星星處鐘聲客航仍度微昏簾幙乍暝帆檣夾  
岸多於津樹船娘吳語爲薰水拖烟脆來如許不管人愁  
棹歌杳靄掠波去如眉月稜半吐想當年曾圖館娃嬌  
嫵夜市聽鶯春衣撲蝶夢到將圓頻誤鳴珂舊路問冶葉  
倡條可能如故撩亂心情化茶烟一縷

畫錦堂

述懷和遠庵先生韻

我所思兮旁無人者長嘯離墨之陽時復讀書萬卷縱博  
千場悲來直携橫槊舞興來還取素琴張誰相識只有當  
年郭翁伯郅君章石梁瀑布下神仙窟中饒鴈鷺餘糧  
我願結廬註易梯几焚香身騎白鶴朝蓬苑手斟丹液煉

飛光沉吟久此意茫然未遂斜日徒黃

清明後一日同緯雲重上玉峯積陰乍霽春女甚  
盛詞以紀游

昨日濃陰今朝新霽戲鼓歌扇相宜一路花搖綺憶草暗  
金羈空園鞦韆猶未拆小樓香粉已全施春山畔遶澗縈  
巖頓添無數釵笄離離城上寺墻外店和烟着水參差  
翻借通明簾子映出纖肌堤邊絲柳飄成夢橋頭新月鑒  
於眉無情緒獨對裙邊蝴蝶細語移時

石州慢

憶舊用高季迪韻

醉拍雕闌思憶從前淚珠頻灑東陳倦沈多愁多病瘦軀  
堪把水市津樓奈他綉被濃香舊時閑事偏縈惹顛倒覓

烏絲檢霜毫細寫 妖冶此夜蟲蟲曾囑監奴歲隼慢下  
且趨湘簾銀燈邀人自打摘盡銅籤小婢故惱人行任他  
嘶斷門前馬悞惱後堂前又年光換也

夏閨

竹院臨池蕉軒翳日蕭然烟幌送春留病賒秋做惱懶  
蟬樣懶懶永晝誰令幽夢驚迴偏嫌多事茶爐響侍女  
齊繞隔紗幮低蕩來往一湖水氣滿院蘭風撲歸裙上  
悄覺涼欹委枕簟紋鋪浪起來慵綉將泉戲瀉團荷憐他  
葉嫩纖如掌珠滑不成圓却添人閒想

遁家別駕亦人孝感冊并感舊游次蓮庵先生韻  
昨客睢陽古寺開元水木妍雅我方避暑兄過挈榼一樽  
同把詎知別後使君風木銜悽書來雙袖鮫珠惹擬補白

華詩倩廣微烘寫 難畫纏綿至性恨抵啼猿感深封鮓  
太息鯉湖鴈杳遶城鶴化飯僧香積啁啾百鳥悲鳴靈旌  
惆悵况爲馬盛事徧流傳得之余季也子萬四弟日來來宜述之其詳

冬日舟過毫村舊居有感

黃葉村中綠水灣頭帆影零亂小橋夾浦依稀認有舊時  
庭院小樓還在記得人在樓中而今凝望如天遠烟裡歌  
吳舫似迷巢林燕 婁戀閒敲書榜遙指紅牆百端思徧  
可惜滿園柵葉半河菱蔓負暄鄰叟兩兩私語茅簷料他  
也爲王孫歎搖櫓過前汀驚水禽飛散

南浦

泊舟江口

吳櫓晚眺看隔江螺髻碧離離龍虎銷沉無據往事不勝

悲憶昔曹公飲馬對江流橫槊賦新詩美三吳人物伯符  
公瑾年少更雄姿 今古茫茫天塹捲神鴉日暮舞空祠  
多少南朝事業斷岸蘊殘碑月白佔船銅斗唱西風雲水  
正瀾瀾歎多愁洗馬銷魂偏在渡江時

秋景

戍樓孤眺莽秋雲一片書難成烟驛蕭蕭易響錯認是風  
聲却被沈寥商氣刮一天疎葉舞空城歎釣臺木樹千年  
剩址菱蔓繞湖生 極望溪山明瑟向楓汀茶甌眼偏明  
聞道樓船下瀨十萬水犀橫寄語魚龍休夜嘯海門月上  
定潮平對碧梧紅蓼暮烟殘照不勝情

宴清都

咏楊妃山茶

花在香港  
庵樓下



幾朶僧房吐東風裡胭脂淺淡偷注空王齋院艷陽天氣  
紅香盈樹隣娃漫鬪輕盈儘玉茗明粧綺素總輸伊睡足  
春酥臉湖分外嬌娉憑闌小字輕呼花如解恨暗垂紅  
飭依稀記得寧王玉笛花奴羯鼓古佛堂西弄影悵舊日  
花容何處又夜來細雨霖鈴黯然無語

曝日

雪後同雲盡遙村外早霞一縷紅暈柴扉纔啟晨曦初赫  
凍消霜畛結菲恰傍陽坡喜黃土泥墻簇紫有三兩溪友  
山翁窄籬矮屋隣近閒邀起煥迎暄蒸炙乍糝濁酒新  
醞沙融澗煖情親話軟無愁無悶路旁多少行客笑馬首  
冰花膠鬢總不如負旭南榮風光較穩

倒犯

秋日雲臣齋頭同大士展故友蔣瞻武遺墨感賦  
觸眼見官奴數行韭花遺蹟零統碎墨秋光映碧天如拭  
爐熏茗椀幽卉疎花晴窗側盥手懸裝潢梯几看波磔恍  
斯人頓成昔 深悔舊時賞慣鵝羣何曾知護惜記半醉  
寫徧舞鬟帕江樓壁渴驥勢掀騰極幾何時隣家吹夜笛  
總香粉猶存不受蝸涎蝕應遭蛛網織

莊椿歲

賀新城王太翁七十

阮亭先生尊人

王喬家世神仙華顏那瘡丹砂駐飄然鶴髮翛然鳩杖臨  
風揮麈恰值新晴筭來秋到十分濃處看歷城雲物惜湖  
烟水偏瀟灑真容與 况有僧彌法護映庭堦琪花珠樹  
七葉貂蟬一門鸞鳳兩行鸛鷺最感深知綵綵欲綉黃金

堪鑄羨爐香親染紫泥遙捧作斑斕舞

壽高陽李相國

千年仙李蟠根一枝種在沙堤右金波穆穆卿雲纓纓小  
春時候綠鬢調羨黑頭補衮人間台斗正宮門絡繹駢封  
赭帕頻飛送神仙耐更值梅前菊後喜堯天風光鋪繡  
君臣一德夔龍共事太平今又銅柱烟消玉關雪霽河山  
明秀願萬年曆上一年一度介先生壽

瑞鶴仙

上元和康伯可韻

昔遊思後苑記天上月圓人間月半六街笑聲滿看火蛾  
金繭春城飛遍琳宮瓊觀隨處掛鰲山燈爛最銷魂深巷  
殘更小顛門邊雙釧休羨無多勝景有限芳辰不堪追

現紅篝熏爇和衣臥誰低喚怪流光一去鉤車羅怕吹煞  
東風不轉只玉梅梢上冰輪依然相見

鄒程邨母夫人壽

千金今夜直羨阿母白髮珠袍一色稱觴遙閭側有南  
路豪家東朝貴客華駒列戟向尊前筮篋醉擘倩何人笑問  
君家家本難忘易識猶憶曾陪董相閒過鄒陽讀書騎  
射賢哉湛母截鬚親爲置食看懷清臺畔夫人城上無論  
功名赫奕只膝前有子談天生兒亦得

咏百舌鳥同雲臣賦

綠楊庭院悄正交綢繡春綺窗弄曉紅蕤枕斜抱蕊枝頭  
睨曉信風吹到如簧慢奏遞耳畔那人知道把舊愁向五  
更頻鏡猶綿蠻不了裊裊咽時逾響溜處偏圓百般輕

巧拙知衰影貪散疑學莊老入春來猛被花枝招恨又被  
禽聲喚惱待來朝索性連他和花都拘

慈仁寺松

爾頭童齒豁又短如翁伯小踰城統年高尙存活換一番  
兵馬一番官關雷轟電掣早暇就秦銅漢鐵任噎歐萬怪  
擲掄閃爍百靈恫喝 奇隅種於奚代長自何朝忘他如  
末空餘鐵碣畧記汝生年月只新來廟市喧厯感踏闌入  
市場豪猾趁天風鱗鬣狂拏舞場回鶻